

通典卷第六十六

唐 京兆 杜佑 君卿 纂

禮二十六 嘉十一

輦輿

夏殷

宋齊

周梁

秦後魏

漢隋

魏

晉

東晉

夏氏末代制輦

按輦人所輦也傳元子曰夏名輦曰輿車

○殷曰胡奴車○

周曰輜車即輦也

不知何代去其輪司馬法曰夏后氏二十人而輦殷十八人而輦周十五

人而輦

王后輦車組輓有翬羽蓋

為輅輪人輓之以行有翬所以禦風塵也以羽

作小蓋為翬日

○秦以輦為人君之乘○漢因之以雕玉為之

方徑六尺或使人輓之或駕果下馬○魏晉小出則乘

輦亦名乘輿○東晉過江亡其制度至太元中謝安率

意造焉及破苻堅於淮上獲京都舊輦形制無差義熙

五年劉裕執慕容超獲金鉦輦○宋因之

按小輿駟車今轎車之流

○齊因之而盛增其飾竹蓬箱外鑿鏤金薄碧紗衣織

成范

徒昆反

錦衣箱裏及仰頂隱膝後戶金塗鏤面釘瑇瑁

帖金塗松精登仙花細綠四望紗萌子上下前後眉

鏤鏤轅枕長角龍白牙蘭瑇瑁金塗校飾漆障形板在

蘭前金銀花獸攬天代龍師子鏤面榆花鈿金龍虎扶

轅輓上金鳳凰鈴鑲銀口帶星後梢瑇瑁帖金塗花脊

銀星花獸慢竿杖金塗龍牽縱橫長綱又制臥輦校飾

如坐輦不堪服用復制小輿形如輶車小行幸則乘之

○梁制小輿似輶車金裝漆畫施八橫元正大會乘出

上殿西堂舉哀亦乘之行則從後又制步輿方四尺上

施隱漆人輿上殿天子至下賤通得乘之復制副輦加

笨

步本反

如犢車通幘朱絡謂之蓬輦○後魏道武帝天

興初始修軒冕制乾象輦羽葆圓蓋畫日月五星二十

八宿天街雲罕

星經曰昴畢爲天街天子出旄頭罕畢以前驅

山林奇瑞遊麟

飛鳳朱雀元武騶虞青龍駕二十四馬又制大樓輦車

龍輈加玉飾四轂六衡方輿圓蓋金雞樹羽寶鐸旒蘇

鸞雀立衡螭龍銜輓建太常畫升龍日月駕二十牛又

制象輦左右金鳳白鹿仙人羽葆旒蘇金鈴玉佩初駕

二象後以六駝代之復有游觀小樓等輦駕十五馬車等草創修制多違舊章○隋制輦而不施輪通幃朱絡飾以金玉而人荷之又依梁制副輦復制輿如輦而小宮苑私宴御之小輿方形同幄帳白閣內升正殿御之○大唐制輦有七一曰大鳳輦二曰大芳輦三曰仙遊輦四曰小輕輦五曰芳亭輦六曰大玉輦七曰小玉輦輦有三一曰五色輦二曰常平輦三曰腰輦大駕鹵簿先五輅以行

旌旗

夏

殷

周

秦

漢

後周

黃帝振兵教熊羆貔豹獬虎制陣法設五旗五麾○夏

氏奚仲為車正建旗旂旐以別尊卑等級○殷因之○

周制司常掌九旗王建太常

畫日月於繆首象天明也其制杠長九仞以素錦綢

之以絳帛一幅為繆附於杠畫龍於繆上又屬十二旂於繆首長十二仞每旂皆畫交龍十三其杠首仍注五

采羽於上繆諸侯建旂交龍為旂畫交龍者一象升朝

音所感反獵同建皆九旂象大火孤卿建旻通帛為旻孤卿不畫

九星旂仞各隨命數大夫士建物雜帛為物以素飾其

周尚赤旌旗皆絳杠以先王正道佐師都建旗熊虎為旗六鄉六遂大夫謂

職白殷之色也鄉遂出軍賦象其守猛莫敢犯也州里縣鄙鄉遂之官

互約言之考工記曰熊旗六旂以象伐白虎宿也州里建旗鳥隼為旗畫鳥縣鄙建旐龜蛇為旐象其扞

室元武道車載旐道車象輅也王以朝夕燕出入所乘

注云禹貢徐州貢夏翟羽有旂車載旌析羽為旌大麾以田

虞氏以為綏後染羽用之夏后氏大帛以即戎正色殷之翻旌君射於國中以翻旌為

之正色鞞枉龍旂君射於境所用也畫三仞龍旂龍於通帛之旂上○秦水德旗旂皆尚黑

其制未詳○漢制龍旂九旂七仞以象大火鳥旗七旂

五仞以象鶉火熊旗六旂五仞以象參伐龜蛇旐四旂

四仞以象營室弧旌枉矢以象弧也此諸侯以下之所

建也○後周太常畫三辰日月五星旂畫青龍天子升龍旗

畫朱鳥旌畫黃麟旗畫白虎旐畫元武皆加雲氣其壇

物在軍亦畫其事號加之以雲氣徽幟亦如之通帛為

為物事號所書其人官與旌節又畫白虎而析羽於其

上又司常掌旗物之藏通帛之旗六以供郊祀蒼赤黃
白元等旗三辰之常畫纁之旗六以充王輅之等一日
三辰之常二曰青龍旗三曰朱雀旗四曰黃麟旌五曰
白虎旂六曰元武旂皆左建旗而右建闕戟又有繼旗
四以施軍旅一曰麾以供軍將二曰旟以供師帥三曰
旂音伐以供旅帥四曰旐以供卒長諸公方輅碧輅建旂
金輅建旗象輅建物木輅建旒諸侯自金輅而下如諸
公之旗諸伯自象輅而下如諸侯之旗諸子自犀輅而
下如諸伯之旗諸男自篆輅而下如諸子之旗三公犀
輅貝輅篆輅建旗旒夏篆夏纁及輓車建物孤卿以下

各以其等其旗旌杠皇帝六仞諸侯五大夫四士三旂
皇帝曳地諸侯及軹大夫及轂士及軫凡注毛於杠首
曰綏析羽曰旌全羽曰旒其繆皇帝諸侯加以弧鞬闕
戟方六尺而被之以黻唯皇帝諸侯輅建焉闕戟杠綢與旗同

鹵簿

屬車附

○秦

漢

後漢

晉

東晉

宋

後魏

隋

大唐

秦制大駕屬車八十一乘

周制凡良車散車不在等者其用無常以給遊燕及恩惠

之賜從軍所載財貨輜重之車車後開戶作之有沽沽良車功多散車功少鄭元曰作之有沽沽麗也則屬車之流周末諸侯有貳車九乘秦滅九國而兼其車服故屬車八十一乘薛綜曰屬者相連屬也皆在後行
法駕半之左右分行其車皆皂蓋赤裏朱幡輜戈矛

弩箛尚書御史所載最後一乘懸豹尾豹尾以前比省

中小學漢官篇曰豹尾過後罷屯解圍胡廣曰施之道

路故須過後屯圍乃得解罷所以戒不虞也淮南子曰軍正執豹皮所以制正○漢制乘輿大駕備車千乘其衆也省中即今之仗內

騎萬匹屬車八十一乘公卿奉引太僕大將軍參乘祀

天於甘泉用之○後漢明帝上原陵光武大喪並因前

代爲大駕用八十一乘祀天南郊則法駕用三十六乘

河南尹執金吾雒陽令奉引奉車郎御史侍中參乘前

驅有九旂雲罕徐廣曰旂車九乘前史不記形也史記曰武王克紂百夫荷罕旗以先驅張平

子東京賦曰雲罕九旂鳳凰車闕戟車薛綜曰闕之爲言垂也取四戟

垂車皮軒車鸞旗車後有金鉦車黃鉦車司馬法曰夏

邊也白鉦周黃門鼓車黃門令校駕祀天南郊祀地明堂宗

執黃鉦

廟尤省謂之小駕每出太僕奉駕中常侍小黃門副尚書主者郎令史副侍御史蘭臺令史副皆執注以督整車騎謂之護駕春秋上陵尤省於小駕直事尚書一人從○晉制大駕鹵簿先象車鼓吹一部十三人中道次靜室令駕一中道式道侯二人駕一分左右次洛陽尉二人騎分左右次洛陽亭長九人赤車駕一分三道鼓吹正二人引次洛陽令皂車駕一中道次河南中部掾中道河橋掾在左功曹史在右並駕一次河南尹駕駟戟吏六人次河南主簿駕一中道次河南主記駕一中道次司隸部河南從事中道都部從事居左別駕從事

居右並駕一次司隸校尉駕三戟吏六人次司隸主簿
駕一中道次司隸主記駕一中道次廷尉明法掾中道
五官掾居左功曹吏居右並駕一次廷尉卿駕駟戟吏
六人次廷尉主簿主記並駕一在左太僕引從如廷尉
在中宗正引從如廷尉在右次太常駕駟中道戟吏六
人太常外部掾居左五官掾功曹吏居右並駕一次光
祿引從中道太常主簿主記居左衛尉引從居右並駕
一次太尉外督令史駕一中道次東西捕賊倉戶等曹
屬駕一引從次太尉駕駟中道太尉主簿舍人各一人
祭酒二人並駕一在左右次司徒引從駕駟中道次司

通典卷之六
空引從駕駟中道三公騎令史戟各八人鼓吹各一部
七人次中護軍中道駕駟鹵簿左右各二行戟楯在外
弓矢在內鼓吹一部七人次步兵校尉在左長水校尉
在右並駕一鹵簿左右二行戟楯在外刀楯在內鼓吹
各一部七人次驍騎將軍在左游擊將軍在右並駕一
皆鹵簿左右各二行戟楯在外刀楯在內鼓吹各一部
七人騎隊五在左五在右隊各五十四匹命中督二人
分領左右各有戟吏二人麾幢揭鼓在隊前次左將軍
在左前將軍在右並駕一皆鹵簿左右各二行戟楯在
外刀楯在內鼓吹各一部七人次黃麾騎中道次黃門

前部鼓吹左右各一部十三人駕駟八校尉佐仗左右
各四行外大戟楯次九尺楯次弓矢弩並熊渠欽飛督
領之次司南車駕駟中道護駕御史騎夾左右次謁者
僕射駕駟中道次御史中丞駕一中道次武賁中郎將
騎中道次九旂車中道武剛車夾左右並駕駟次雲罕
車駕駟中道次闌戟車駕駟中道長戟斜偃向後次皮
軒車駕駟中道次鸞旗車中道建華車分左右並駕駟
次護駕尙書郎三人都官郎中道駕部在左中兵在右
並騎又有護駕尙書一人騎督攝前後無常次相風中
道次司馬督在前中道左右各司馬史三人引仗左右

各六行外大戟楯二行次九尺楯次刀楯次弓矢次弩
次五時車左右有遮列騎次典兵中郎中道督攝前却
無常左殿中御史右殿中監並騎次高蓋中道左畢右
卑次御史中道左右節郎各四人次華蓋中道次殿中
司馬中道殿中都尉在左殿中校尉在右左右各四行
細楯一行在弩內又殿中司馬一行殿中都尉一行殿
中校尉一行次櫜鼓中道次金根車駕六馬中道太僕
大將軍叅左右又各增三行爲九行司馬史九人引大
戟楯二行九尺楯一行刀楯一行細弩一行跡禽一行
槌斧一行刀楯一行連細楯殿中司馬殿中都尉殿中

校尉爲左右各十二行金根車建青旂旂十二左右將軍騎在左右殿中將軍持鑿腦斧夾車車後衣書主職步從六行合左右三十二行次曲華蓋中道侍中散騎常侍黃門侍郎並騎分左右次黃鉞車駕一在左御麾騎在右次相風中道次中書監騎左秘書監騎右次殿中御史騎左殿中監騎右次五牛旗赤青在左黃在中白黑在右次大輦中道大官令丞在左太醫令丞在右次青立車次青安車次赤立車次赤安車次黃立車次黃安車次白立車次白安車次黑立車次黑安車合十乘並駕駟建旗十二旂如車色立車正豎旗安車斜拖

之次闕猪車駕駟中道無旗次耕根車駕駟中道赤旗
十二旂熊渠督左佺飛督右次御輅車次御四望車次
御衣車次御書車次御藥車並駕牛中道次尚書令在
左尚書僕射在右又尚書郎六人分左右並駕一又治
書侍御史二人分左右又侍御史二人分左右又蘭臺
令史分左右並騎次豹尾車駕一自豹尾車後而鹵簿
盡矣但以神弩二十張夾道至後部鼓吹其五張神弩
置一將左右各二將次輕車二十乘左右分駕次流蘇
馬六十四次金鉞車駕三中道左右護駕尚書郎并令
史並騎各一人次金鉦車駕三中道左右護駕侍御史